

Siōngchàn Kámun chi Koa

(Chit phiⁿ sikoa, kau hō sipan chfhui.)

- 1 Choân tē lóng tiòh tùi SiōngChú chhut hoaⁿhí ê siaⁿ!
- 2 Tiòh chhiùⁿkoa oló I ê miâ ê êngkng,
ēng oló ê oe lâi hiánbêng I ê êngkng.
- 3 Tiòh tùi SiōngChú kóng, Lí ê chokûi hiahnh
thang kiaⁿùi!
- Inūi Lí ê koânlêng hiahnh kiôngtāi, Lí ê tuiték
lóng ē khuthók tī Lí ê bīnchêng.
- 4 Choân tē lóng beh kèngpài Lí, chhiùⁿkoa oló Lí,
beh chhiùⁿkoa oló Lí ê miâ. [Sèláh]
- 5 Lâi ah, lín tiòh lâi khòaⁿ SiōngChú ê chokûi;
I tùi sèkan lâng só chò ê itchhè sī thang kiaⁿùi
ê.
- 6 I kā hái piànchò ta tē, hō I ê chúbin kiâⁿlō kòe
hō;
tī hia goán inūi I lâi hoaⁿhí.
- 7 I ēng I ê koânlêng tīlī, títkau éngoán.
I ê bákchiu kàmchhat liát pang;
pōegék ê lâng m̄ thang kokí kakī. [Sèláh]
- 8 Bānbîn ah, lín tiòh oló goán ê SiōngChú,
thang hō lâng thiaⁿkìⁿ oló I ê siaⁿ.
- 9 I póchoân goán ê sèⁿmiā,
bô hō goán ê kha iôtāng.
- 10 SiōngChú ah, Lí bat chhiliān goán;
Lí toànlīn goán, chhinchhiūⁿ teh toànlīn gîn.

頌讚感恩之歌

(一篇詩歌，交 hō 詩班指揮。)

- 1 全地 lóng tiòh 對上主出歡喜 ê 聲！
- 2 Tiòh 唱歌 oló 祂 ê 名 ê 榮光，
用 oló ê 話來顯明祂 ê 榮光。
- 3 Tiòh 對上主講：祢 ê 作為 hiahnh thang 驚
畏！
- 因為祢 ê 權能 hiahnh 強大，祢 ê 對敵 lóng ē
屈服 tī 祢 ê 面前。
- 4 全地 lóng beh 敬拜祢，唱歌 oló 祢，
beh 唱歌 oló 祢 ê 名。[Sèláh]
- 5 來 ah，lín tiòh 來看上主 ê 作為；
祂對世間人所做 ê 一切是 thang 驚畏 ê。
- 6 祂 kā 海變做 ta 地，hō 祂 ê 子民行路過河；
tī hia 阮因為祂來歡喜。
- 7 祂用祂 ê 權能治理，直到永遠。
祂 ê 目 chiu 鑒察列邦；
悖逆 ê 人 m̄ thang 高舉 kakī。[Sèláh]
- 8 萬民 ah，lín tiòh oló 阮 ê 上主，
thang hō 人聽見 oló 祂 ê 聲。
- 9 祂保全阮 ê 性命，
無 hō 阮 ê 腳搖動。
- 10 上主 ah，祢 bat 試煉阮；
祢鍛鍊阮，親像 teh 鍛鍊銀。

11 Lí hō goán hāmjīp lôbāng;

Lí kā tāngtāⁿ hē tī goán ê sinchiūⁿ.

12 Lí hō lāng tī goán ê thāukhak thúntáh;

goán kengkòe chúí kah hóe,

chóng sī, Lí chhōa goán lâi kàu hongseⁿ ê sóchāi.

13 Góa beh tòà siochè chìnjīp Lí ê tiān,

góa beh tùi Lí siā góa ê goān,

14 tòh sī tī góa hoānlān ê sī,

góa ê chhùitūn só kóng, góa ê chhùi só hē ê goān.

15 Góa beh kā pui chengseⁿ ê siochè kah kang iūⁿ ê phangbī hiàn hō Lí,

koh beh hiànchiūⁿ kang ê gū kah kang ê soaⁿiūⁿ. [Sèláh]

16 Kiànnā kèngùi SiōngChú ê lāng ah, lín lóng tiòh lâi thiaⁿ!

Góa beh kóng kí l ūi góa só chò ê tāichì.

17 Góa bat ēng góa ê chhùi kiūkiò l;

mā ēng góa ê chih oló l.

18 Góa nā sim chūn chōeok,

Chú ittēng bō beh àⁿ hīⁿkhang thiaⁿ.

19 Chóng sī, SiōngChú khaksit ū thiaⁿ tiòh;

l ū thiaⁿ tiòh góa kító ê siaⁿ.

20 SiōngChú sī engkai siū oló ê!

l m̄ bat thesī góa ê kikiū, mā m̄ bat hō l ê chūai līkhui góa.

11 祢 hō阮陷入羅網；

祢 kā 重擔 hē tī 阮 ê 身上。

12 祢 hō人 tī 阮 ê 頭殼 thún 踏；

阮經過水 kah 火，

總是，祢 chhōa 阮來到豐盛 ê 所在。

13 我 beh 帶燒祭進入祢 ê 殿，

我 beh 對祢謝我 ê 願，

14 tòh 是 tī 我患難 ê 時，

我 ê 嘴唇所講，我 ê 嘴所下 ê 願。

15 我 beh kā 肥 chengseⁿ ê 燒祭 kah 公羊 ê 芳
味獻 hō祢，

koh beh 獻 chiūⁿ 公 ê 牛 kah 公 ê 山羊。
[Sèláh]

16 見若敬畏上主 ê 人 ah，lín lóng tiòh 來聽！

我 beh 講起祂為我所做 ê tāichì。

17 我 bat 用我 ê 嘴求叫祂；

mā 用我 ê 舌 oló 祂。

18 我若心存罪惡，

主一定無 beh àⁿ 耳孔聽。

19 總是，上主確實有聽 tiòh；

祂有聽 tiòh 我祈禱 ê 聲。

20 上主是應該受 oló ê！

祂 m̄ bat 推辭我 ê 祈求，mā m̄ bat hō 祂 ê 慈
愛離開我。